

退

菴

詩

存

退菴詩存卷九

福州梁章鉅蒞林

送顧南雅出京

十年夢苜蓿萬里盼輶轂
我來苦已遲君歸又何速
君年尙強盛君仕匪刺促
作賦摩金華和聲贊玉燭
側聞文翁肆說士甘於肉
謳思徧駢馳上賞宜鼎軸
胡爲薄軒冕幡然問松菊
再來未可知一決何所託
朋儕同黯然我懷獨有觸
如斯鳳翮梧況我鮎上竹
行藏如冷煖自審當已熟
欲畱未敢畱懶作升沈卜

江心葵邑侯

景陽

由滇運銅入都差竣假旋福州詩

以送之

信有搏沙聚來同大海漚功名輕萬里志業尙千秋話到
十年別珍茲三宿畱酒闌風雪大何以慰離憂

共有先疇感其如手澤何冷官慚報稱循吏特英多況復
偏親健欣聽眾母歌春暉須上壽速去莫蹉跎

聞道牽絲始頻煩贈策人

君大挑後欲呈請改就教職余叔父太常公力阻之

懷賢

君悵望觸緒我酸辛風義今三世禪心合一塵何時徵密
令珂馬共芳辰

方巖巖邊路支筇屐不成敢懷吾土樂易觸舊時盟

君家近方

廣巖屢約余往遊而不果

人海輪蹄倦鄉關雪霰清寄聲陳與趙

謂恭甫毅

士兩

曾否夢春明

題鄧簞山太守

夢琴

崇祀名宦錄後

政績超三異聲名託一麾文章真可恃俎豆豈能私丹荔
迎神曲青槐頌德詞至今紀遺愛高接峴山碑

治譜吾能述封章手乍編

是年余在儀曹核辦名宦鄉賢疏稿

所希敷舊澤

徧與障回川濱海今餘蔭遺經屬後賢

謂令嗣菽原明府

儒林又

循吏青史定聯篇

胡墨莊齋中消寒詠琴魚

琴溪仙子騎魚去，剩有琴魚不知數。
入簿誰加水族恩，飢盤尙佐詩人具。
琴公臺畔春風閒，桃花水似仙人顏。
水流花謝幾千載，那有藥汁畱人間。
縑繪入水一種色，波面微來聲策策。
託質疑從寶誌筵，成羣如趁瓠巴瑟。
畦蔬風味絕堪憐，不是茶餘卽酒邊。
封來冀北千頭雪，話到江南三月天。
主人餉客作詩料，侑以涇筍亦同調。
是集以琴魚涇筍餉客索詩
我詩不足當王姜，何況歐梅暗中笑。
儂家亦在魚筍鄉，尊鱸有夢無時忘。
翠網不須誇海豔，筠筍但欲寄丁香。
吾鄉丁香

鮪畧似琴魚
而味加美

題郭蘭石編修
尚先畫扇

雲烟過眼尙清新
風竹林泉孰卜鄰
畱與高人印心地
不知世有軟紅塵

詩材畫本印空濛
佳處都憐踏雪鴻
何似木蘭陂上路
共君清籟采蒲風

董琴南齋中消寒詠寒雲

殘年景物太蕭森
尙有寒雲入望深
且喜接天無雜色
須知出岫卽冬心
掃晴無那風痕積
韜日猶將雪意禁
轉眼

春華還益益莫疑遲暮怯爲霖

陶雲汀齋中消寒題舊本麓山寺碑

平生但識李雲麾燭漢神光孰見之

董華亭謂此碑原本藏寺中光氣燭天唐

人有記見文苑英華拭眼銛鋒山岳銳秋霄靈氣少陵詩

璽痕不必歎吳剛定影分來作作芒一紙煙煤關劫運可

憐衣綾費甌香

相傳憚南田以雲麾碑舊本縫入棉衣以防失墜

江夏蠅頭實罕聞麓毫惡札太紛紛

碑陰三層皆北海小楷惜爲後人題字所

掩年來未歇湖湘雨孰撥衡山八九雲

千年趙董滙津涂三絕還饒照乘珠試檢襄陽廣惠字那

須唐宋較錙銖

孫少蘭給諫

世昌

屬題山茶花畫冊

給諫先代官吾閩之臺灣有循

聲載花而歸

因畱此冊

珍此妍華質移從召杜流澤逾朱邑遠雲憶赤嵌收聊助
扮榆話何疑蕙苴投祇今封殖意夢繞小山幽

動我懷賢感因思臥理年經今幾淵藪依舊此雲天樂土
關巖邑長才竭小鮮炎荒花似錦鄉夢不成眠

題雲汀入蜀出蜀圖卷

凌秋匹騎透天關石棧雲梯空際盤一掩一重詩肺腑等

開莫作畫圖看

桃竹撞花蔚碧空
搜巖采幹意何窮
雪山他日論輕重
可但詩名配阮翁

千里雲山不記名
輕帆飛過石崢嶸
豪吟掃盡猿聲苦
未許人嘲太瘦生

蓬萊弱水浩無邊
舊夢因君一惘然
肯否導師還挈我
西風搔首菊花天

題蘇齋舊藏王石谷漁洋山莊圖

漁洋山人掌臺列
八年前已吟谿堂
耕煙外史一再畫
山

人夢不離山莊山人之詩本如畫外史之畫方相當破山
寺前歸興發爾此一幅心蒼茫山人外史孰主客詩禪畫
理須評量慧車子豈真寶見空船映豈空濛鄉米堆烏鉢
瀟灑黛青芝師子開堂防墨濤却證三昧旨一月攝盡千
燈光歸雲擁樹景曠奧五湖垂釣神飛揚漁洋之號風託
此胡於此畫慳詩賜漁洋集中無此圖題句真山假山自平等白波
翠巘何能忘淵乎蘇齋得秘印早從詩品拈瓣香一字不
著萬象足前身流水參邢房詩耶畫耶二而一誰華蠶尾
交軒昂載書何必禹之鼎得髓何必吳天章蕭寥合招黃

海客神韻已壓廉州王

王廉州有漁洋山圖

戊寅四月十三日初直軍機處

國家重樞職其曹亦華資吾聞鈔入選僅聞兩紫薇長林

最先輩太邱肩相隨

林通政枝春陳侍御朝礎皆由中書入直

迨茲數十年後

塵杳難追北門忽見召南省謝攸司自審終腐儒何由報所知側聞地清切不在才恢奇習勤拙可補守默迂亦宜朝章備綜練政要窺

垂衣緣茲頗自奮庶洗弁陋譏芳規緬前哲餘事昌我詩笑却世俗見徒誇青雲梯

樞曹有故實汲引頰公卿得人卽

奏可拔茅恒彙征近始試文藝重以

畫接榮去爾取

上裁所選乃益精則名已叨忝選云冠羣英

前年考試以第一卷引

見記名才慚下水船心凜新出硯列坐半舊好典型資老成

勗我以靖共警枕當風興諷我以恬靜守口先如瓶莫蹈
諂瀆咎莫咎與援名盡職豈易言捫心慎所營几間奏牘
稀窓外宮漏清但傍

溫室樹拱手歌

承平

我生癖鉛槧所至勤搜羅樞垣近百年舊事誰編摩初來
厠末席欲問不敢譁談者莫溯源辨者空懸河題名未成

書紀聞鮮專家得無歎闕典人墨憐同磨昔時蒲褐翁所

記當無訛遺篇惜薈落好事嗟蹉跎王蘭泉司寇有軍機處題名記一篇存春

融堂集中而題名迄不可得後起竊有願寡聞將若何葉吳夙強識

我珠船多葉雲素農部吳荷星比部並有同志未惜右手砥遠計眾口呵公

餘勝博奕將以儷錦窠余有南省公餘錄將脫稿矣

直廬之西新闢射圃程春廬駕部同文以詩落之因

和其韻

七峯風景樓中足別墅西來又一隅巷轉仍分湖水碧庭
寬愛值雨雲烏地緣盤馬規模闊射圃之西又拓爲馬廠人到彎弓
意氣殊剩我腐儒叉手看漫將暇豫託吾吾

人生到處是蘧廬擇地難兼吏隱居誰信騁懷游目處恰
當聽鼓應官餘荷風蕉雨詩情遠竹簟蒲簾夜色虛傾耳
鈞天一招手西崑酬唱待成書

戊寅初秋 蹕 盛京啟程作

廿載江湖心事違者番行役有光輝齋糧自帶長安米仿

樣先裁短後衣相得健騾休惜價牽來官馬要加鞮近聞
原野多霑足但祝清塵秋雨稀

永平道中同吳荷屋比部

榮光

作

馬上看形勝詩懷自往還雲低肥子國天遠次君山水急
齊趨海沙平欲近關壯遊方未已恐益鬢毛斑

望首陽山

平川古名區控帶雄北蕃我來按轡行青青生嶺旣舊知
觸新遇熟聞首陽山後儒說歧互微茫憶其端或云偃師
北或云蒲坂間邠岐亦游蹟隴右曾盤桓客中闕圖經誰

能剖疑團頗記許祭酒遼西語不刊允哉南車準揭茲東
服尊後來宋白志猶能助瀾翻遺墟訪孤竹崇祠薦蘋蘩
紀之以短詩清風來軒軒

夷齊廟

省識先民是逸民千秋兄弟孰爲隣衣冠已改黃農故薇
蕨猶欽俎豆新北戶靈區資不朽南巢舊局少斯人廉頑
起懦誰無忝今日登堂倍悚神

閩陽驛 賜棗騮一匹恭紀

分出凌河牧牽來置頓營騰空征鳥疾入隊橐駝驚不有

殊恩逮焉知近侍榮明朝據鞍去端不畏山行

重九病中

客病支吾斗室寬縱逢重九不成歡一腔秋思慵拈筆兩鬢霜華易上冠陰雨驟添遼水急長風不掃瀋雲寒元菟樂浪多形勝焉得晴郊縱馬看

澄海樓

千山萬山來冀方巖關勒住秦城長危樓百尺峙其右又一結束開混茫樓前有海無餘地滿眼隱約飛帆檣浮烟幾點辨碣石極岸一派窮扶桑我家濱海與海習駕空破

浪如平常潮來直挾坤軸動風息尙逞陽侯狂此間一碧
浩無際平如鏡面揩秋霜渟涵萬象作虛白妖露百色澄
清光茲樓署名卽紀實況逢清時波不揚天容海色有如
此驚奇何必矜南荒我欲仗茲豁塵眼蕭蕭匹馬來斜陽
登高望遠忽感喟詩情客思俱蒼涼摩空作賦旣無分矢
音遂歌何敢望祇合憑欄望鄉國烟波盡處是吳航

海濱三國吳曾造船
于此名曰吳航頭

醫無閭山下作

我生五嶽未涉一揩眼先對醫無閭鬱蔥佳氣亘千里若

與左海爭靈區洪荒融結不知始但想中古封奠初命名
定沿神禹舊記里却詫山經踈幽營地維摯震且不咸王
氣來東隅山海經不咸之山卽長白山也龍蟠虎踞直到此屹作北鎮開
黃圖嗟峨巨峯插天宇泱泱雲氣通溟墟諸光諸色佛者
相一重一掩仙人都敬逢懷柔

駐清蹕風雨和會羣靈趨耿耿樓觀夾輦路簇簇劍珮穿
林筵嬰毛吉玉肅縣賤爐煙嵐翠交紛敷祖岐陟景邁嘉
會名山顯會丁元符穹碑紀實倬雲漢坐覺封禪徒夸諛
岱宗望

幸且遜此何況僻遠搜台廬我來橐筆日鮮暇桑宿那不

憐浮屠翠雲屏下一徙倚

在北鎮廟中

門庭約畧窺其巖憶讀

周官識方位及爾雅誇珣玕童之所習老尙昧山靈應
笑迂儒迂勞人草草古所歎羈絆本與閒雲殊健探何能
達與窅清景聊足供追慕男兒壯遊須汗漫向平志願何
時無會當拂衣謝泥滓重來躡屐攀咀嚼山靈得我作舊
識我向山靈償夙逋聖水盆邊洗昏眼託雲室裏緝奇書

圖經載遼太子託雲築室
山頂聚書數萬卷終焉

廣甯行帳讀吳荷屋詩草卽題其後

錦囊壓倒客囊慳
賦我清吟百慮刪
要與珣琪鬪聲價
晴虹徹夜接閭山

香南雪北遍泥鴻
壯觀何如左海東
看取詩人拓詩境
簪毫不獨和歌風

十月初六日

萬壽節駐蹕興隆寺在
行宮門外隨班慶賀

慶節方停

蹕歡聲匝四圍
秋原真爽朗

行殿有光輝
仙露明華蓋
卿雲簇錦衣
嵩呼逮童叟
嘉會

古來希

軍機章京以論政爲宜而五人者獨喜談藝珥筆之暇輒相與往復喧辨不休旁觀多竊議之因戲爲樞直五君詠聊代解嘲云

葉雲素農部

繼雯

雲素儒家流頗復涉道教

君奉文昌及純陽甚篤

浮沈郎署中古心

復古貌論文鄙軋苗論字愛兀界

君每索吳荷屋書必樞令作劍拔弩張之體

廷有前修胡爲靳窺豹

余欲輯樞直題名錄聞君有稿本輒秘不示人

程春廬駕部

退菴詩存 卷九

十一

春廬氣蓋世於學靡不精六典一手編前無杜君卿

君獨力纂

會典八十卷近已自謂生平精力盡於是書也

秦定刊頒

斷斷喜談藝與我同性情

大言滿堂室那顧時流驚

蘇樸園農部

兆登

樸園守樸學上第豈足多

君以己未榜第二人及第

同譜喜道古君獨

無依阿

己未同年多專精漢學者君獨持漢宋之平

相士眼如月說士口如河

置身咎譽間斗室方浩歌

吳荷屋比部

荷屋實時棟乃不談經濟著書已等身餘情復游藝最熟

書畫譜尤精金石例坐我百尺樓樞垣作詩事

七峯別墅之小樓余

與君上下直分居之君爲作畫扇並題詩貽余同人皆有和詩

路鷺洲農部

德

鷺洲關中傑吏才綽有餘而偏近文章與世酸鹹殊試帖最流美名已喧上都簪豪復壓線砭砭同鈔胥

時君與余皆爲人草

祝釐頌冊雖公餘亦未嘗謬筆也

寄題陳恭甫所藏伏生授經圖

一叟踞坐面凍梨手揮指畫口哆頤一女俠侍雙鬢垂頰輔美好如有辭一人冠佩立几下磬折儼奉弟子儀丹青

貌古與古肖想見授受雍容時秦愚黔首火六籍乃設博士嗟誰欺慙遺一老壁藏出再使典誥光娥羲嗟哉申商術附刻亂常變故終誅夷足知所受但耳學詎識二帝三王爲方今

聖人重儒術士以經訓爲菑畚翰林先生早設講左右萬卷環臯比偶藏此圖詫神妙二十九篇真本師安國傳義舊未顯鄭冲梅蹟殊然疑先生治經極精博古先稗說力掃之靈光巋然峙閭嶠耄學不劬勤搜披持較子賤遇特盛

伏生字子賤見史記索隱

海內學者瞻風規延和養粹道氣益會成

人瑞書 昌期

盤山

望中嵐翠撲華韜，得入名山卽散仙。
翠巘丹崖皆淨域，青松紅杏有諸天。
支筇先訪田疇宅，振筆休憑李愿篇。
喜值樞垣近清暇，籃輿排日作良緣。

樞直同人夜飲古中盤次張柳泉農部

允垂韻

花徑中盤暗松關，上界明忽成良夜。
宴齊作步虛聲是處，豈凡境茲遊無世情。
春風何太懶飛盞，欲招程春廬未到

古寺三峯拱危亭，一角開半空星。
小聚四照月同來，石骨

尚新句山精沾舊醅豪情愜飛動臨去更低徊

春廬和詩爲懶字下轉語疊前韻答之

習懶久成癖看山偏眼明幽尋徵腳力悄詠出心聲以我
倦遊意參君遺世情閒忙平等視浩浩又前程

旬日塵勞積暫時懷抱開豈堪荒宴比況博好詩來古月
照青眼和風吹綠醅先生自光霽爲此亦低徊

題萬柳堂話別圖送陶雲汀觀察川東

十丈緇塵外風流似昔年新詩忙裏句別緒畫中禪驄馬
交河錦鶯花蜀道弦君看萬行柳同與綰離筵

坐鎮資長策巖疆豈等閒雲深巴子國水急佛圖關控制
當天險安危繫雪山吾詩如左契行矣莫辭艱

余題雲汀入蜀出蜀

圖卷有雪山他日論輕重可但詩名接阮翁之句

持節

主恩深驂鸞直到今種花憑舊手偃草有初心必慰

疇咨切方紓報稱忱千山雲意絕驪首待成霖

舊雨可勝話晨星稀若何離筵齊磊落勝踐感蹉跎京國

酒痕重江亭秋色多

翼日復餞于陶然亭

何當補圖畫青眼更高歌

黃霽青齋中消寒題瑯琊王德政碑搨本

紇于山頭雀凍僵衝天燄起冤胸黃九州戰血如沸湯誰
欺保障蘇一方巖頭潮水流泱泱矢口之讖非尋常偉哉
白馬稱三郎祝劍劍躍神告祥開門節度孰敢當井蛙笑
彼羣跳梁手提三尺康閩疆人天湧現金輪光乾甯天祐
國不臧海邦翊戴無它腸八牛跋扈來宋碭九曲池中龍
種亡可憐威武軍不揚十二列戟封新王畏天保國敢弗
憂關心赤子扶疲尫黃崎港易成甘棠四門風吹阜莢香
苾芻甘露周蠻荒何況中土徠冠裳我本邦人溯前芳峴
首之愛無時忘蓮花峯頭多夕陽翔鷗寺裏松蒼蒼穹碑

百尺親手量證之史乘非荒唐會當揚此千百張以匹鐵
券畱錢塘

胡墨莊齋中銷寒出贈宣紙芽茶索詩

綠酒紅燈夜影圓更饒長物索新篇魚香筍美琴溪味自
入詩盟又一年

硃粉敲冰絕妙材燭光斜映白皚皚分明一幅澄江練只
待宣城好句來

枯腸合與淪靈芽數典猶堪綠雪誇酒濁詩清同一快底
須更憶幔亭霞

近侍空依玉露莖尙方給札少閒情
春明風味應如此始配頭銜一樣清

題消寒詩社圖送黃霽青出守廣信

人海各殊尙圖中方灑然各場星
小聚詩夢月同圓此會諒非偶
吾儕何者傳西崑詩派舊著意軼前賢

樂事誰能並通才匪自今擁麾兼舞綵
循吏本儒林北地泥成爪西江水似心
一杯亭上望爲我寄新吟

賀蘇樸園農部校射 賜翎

曾冠金鰲大雅羣又從日下見卿雲
尙方孔翠來殊錫近

侍貂蟬有舊聞志業果符弧矢祝

恩榮欲賽羽林勳

至尊含笑誇通藝信有龍淵儷漢文

關隴編成相馬經一麾早合試新硯

君由陝甘督學回京時已截取知府仍直

樞曹誰知潤色煩名筆饒得聲光上

御屏報稱如何愜名器飛騰端不負青冥放弓長嘯君家

句見坡公人日獵城南詩可許楊琴里耳聽

朱蘭坡齋中消寒同作窖錢歌

蘭坡手繪窖錢圖約我同作窖錢歌傾身障籠古所笑咄

哉此事今殊科宛陵田中土花繡簪主渺不知誰何地風
歷劫不能壞定有神鬼相護呵盈千索百忽湧現生砂活
翠爭摩挲刀圭鑪火強解事出土翻入銷金窩綠竹山房
客好古得之恨晚嗟蹉跎以錢易錢各所取阿堵了不關
錢魔以圖徵詩有深意古物未許輕消磨歷山莊山式莫
考周京圖法光羲娥景王以降遞變轉紫紺赤側難縷覷
五銖之鑄始復古三官所出非由他貨泉詎涉白水字傳
形奇品文如蚪是區區者闕考訂沉復論史資吟哦橢龜
矩馬豈國器黃牛白腹非民訛幣輕幣重幹世運論者往

往如懸河我詩未成別有感舉世所驚齊奔波持籌握算
竭智巧銅山身後方危峩何如偷閒姑詠此頓覺嗜好殊
鹹齷臨川之愚和嶠癖同牀異夢將奚訶顧煊封演不復
作尙有洪志供蒐羅名流畫餅亦足尙歲寒所得良已多
樹根擗要王清本畫义且學蘇東坡

庚辰初秋扈 蹕灤陽啓程作

首塗瀋遼遠繼軫涑易近遠近各殊趣茲遊倍豪駿書生
從羽獵耳目都眩震況馳域外觀跋馬塞垣峻三年三壯
遊所恨詩不進不進且自恕無詩乃近吝簪毫藥鞮間餘

力亦云僅能者多所畱一一珠玉認所慙
蚓竅聲難作鴻爪印排日當紀程前修庶孟晉

馬上偶成

侵晨急攬轡望望五雲邊草意戀輕露煙光浮遠天
遵途憑馬首照水愧鷲肩迴不猶人處詩情方灑然

南天門

隔宿戒徒御明登南天門首塗夜未艾萬帳肅不喧
逶迤廿里羸犖礪一徑昏旁睨極深坎外垂盤厚坤習聞此偏
仄過者愁攀援封駝塞蹊間大車方啍啍稍遲

雲罕至羽衛如雲屯傾軋固可慮扞掖詎宜煩我行乃蹕
蹕我意殊軒軒匹騎易超越長驅出邊垣需遲多所閼豫
勤臧之原敬告後來人艱險何足論

古北口

千山偪仄此崔嵬一綫巖關萬騎來今古三州尙形勝東
西十館已蒿萊丹鉛孰繼王曾錄版榦空勞徐達才但看
潮河流浩浩黃圖中外一家該

廣仁嶺次春廬韻

雷殷山雨急雨止塞水來驅車滑澁間但恐雙輪摧我本

不習騎我馬幸未墮攬轡跨層嶺自顧亦雄哉朦朧曉月
低斑駁晨光開照眼磬鍾峯詩情始徘徊

退菴詩存卷十

福州梁章鉅菴林

壬午閏三月出守荊州別京中諸同好

十載未能信一麾將若何腐儒爲吏怯薄宦感知多曉夢
縈樞院春華惜錦窠獨餘精白志耿耿未蹉跎

南郡雄荆楚巖疆自昔然況承

天語重深望長官賢虎旅煮糧裕龍堤息壤堅但聞民瘼
急何以告無愆

稍共妻孥慰長安不易居本無三畝屋真有五車書草草

退菴詩存

卷十

一

攜家去行行縱目初所傷非祿養明發孰嗟余
頻年人海裏幾輩歲寒盟別酒有真味贈言無世情名花
各殊態小草亦含榮良會何時續相期在令名

柏鄉旅次遇玉研農師侍談半日

通籍逾廿載服官未十年溯從感知初侍側恒闕然南來
滄江雲西去紫塞煙人事復錯迕何由慰拳拳喜聞

賜環詔仗節回窮邊寒暑又一週甫得承華韞是時同門
友樽簋無間焉飽讀佛國記迭陪春風筵而我獨契濶職
守紛糾纏心馳立雪門跡阻視景輒夙懷亮莫展新緒徒

自牽疏簡固所宥刺促良可憐何期行滕會忽許撰杖偏

遺我逆旅安

是日旅舍適充行館余方俯徨道左師爲飭分一店始得卸鞍

醉我賓筵鮮

但快懷抱罄焉計躁替愆連日困塵勞得此一豁前頻歲

殷調饑暫可紓誠虔況復鴻泥迹歛來鳧鳥仙蓬山一揮

手重此聯袖肩

時同門劉明府毅萬不期而遇

人生易聚散良晤難遷延

敢以萍水輕而忘金石堅吾師蘊明德久軼甘盤賢佇膺

旌節榮昇以封圻權使我得依歸惠我補前緣此願當非

虛此會開之先斜陽極徙倚卿雲方連卷作詩紀鄭重庶

附河汾篇

邯鄲古觀

又到邯鄲道

乾隆乙卯公車過此已二十八年

依然現在身頻年未高枕

何處不勞薪綠鬢愁非昔黃梁迹屢陳我來方學步甘作
夢中人

湯陰謁岳忠武家廟

十二金牌付劫灰尙餘鐵像委蒿萊當年若許黃龍到繼
世焉知白鴈來三字風波關氣運千秋廟貌肅雲雷湖山
老盡南枝樹應有精靈夜夜回

南陽

城樹村煙豁莽蒼名區拭眼過南陽青山此日無名士白
水當年是帝鄉陳迹幾番移宛鄧居民依舊篤耕桑停驂
一展長堤眺快靚風帆接郢襄

裕州

裕州楚北境禹貢本屬豫聞昔爭戰地方城此雄踞我來
尋舊址心眼庶有遇行行數十里望望不知處山蹊互間
介澗濶錯回互堂防進愈開輪蹄陡難駐因悟陵谷遷當
年實險固旣資藩屏堅亦限戎馬步卽今車軌同直達襄
郢路紆回避塗潦眩惑竟朝暮路旁鮮殘碑林間辨古戍

作詩附行記聊待後訂誤

襄陽贈鄭滄船邑侯

纓

楚望雄開勢鬱蟠襄樊控制古稱難直連關洛巖疆鎖此
去江湖澤國寬百丈龍堤須守險五方雁戶易藏奸故人
作宰兼衝劇莫負青青峴首看

樊城登舟

十載輪蹄困軟塵今朝買棹寄閒身明知未許扁舟老暫
作浮家泛宅人

縮項槎鱗價不高宜城分得酒如膏團圓一醉斜陽裏不

願雙珠乞漢舉

三句詩思負新題乍喜逢窗筆視齊欲訪竹枝編短句無人解唱白銅鞮

波光雲影盪烟鬟新漲城南灣復灣愛與家人說招隱幾回指點鹿門山

乘小舟入天門縣訪龔小峯邑侯

豐穀

竟陵烟樹望中濃路轉湖塢第幾重三漈卽今非禹蹟五華何處是羲封側聞澤國修防急可耐賓垣悉索供要乞龔黃分治譜扁舟不厭溯洄從

黃鶴樓

依然勝蹟俯江關三十年來一再攀當日已慙題句負此
行那更白雲間濁波滾滾雙流水短棹依依大別山安得
塵勞一排遣獨攜杯酒酌仙班

護理荆宜施道兼荆關監督

專城乍得領雄疆攝事旋兼劇職忙權務祇今通楚蜀備
兵自古重荆襄匄旬寶政能餘幾受府篆四字虛聲曷可
當大府以廉能勤慎慙媿座間三印大拊心何以報循良

重陽日登署東小閣望龍山有感

登高試望國西門尙有龍山古蹟存一代雄文敵孫盛千
秋浩氣渺桓溫幕僚自古多名士仕宦何嘗怕酒痕勝地
徒增今昔感祇應斗室自開樽

承天寺

羅舍
舊宅

啼鳥不成夢幽蘭非舊叢此中憶名士當日秀江東詩句
杜陵叟文章山谷翁千秋齊悵望已是梵王宮

由建陽驛至虎牙關一帶山行

雲根犖确樹槎枒秋意冬心迸一涯振觸故鄉風景似建
陽道上入仙霞

荆門雜詩

熊繹遺墟古戰場
基州編縣屢更張
誰從權國尋那口
須識章山卽內方
東去漢皋控鄢郢
西來蠻水滙沮漳
清時不必論形勝
且向洲頭訪潤鄉

半是山田半是湖
代糧代土費籌紆
觀河漫詡金鰕麗
障水先應白鶴呼
五縣隄防紅廟險
六朝城郭綠麻枯
圖經更有瞻言好
黃集三山慎驚趨

東西雙堡擁荆臺
巖岫迴環十二培
羊角寺基隨草合
虎牙關勢倚山開
萊衣自昔多仙隱

時林虛亭同年文
竹奉母授徒於此胡絹

於今有吏才謂郎牧雲坐看三泉清似鏡塵容何日濯纓

來
監利道中

旬日華容道深慙來募歌新棉如穀貴廢垸比田多巾卷
煩延佇圖經未網羅邑中書院久不整志相逢賢令尹焉

敢督催科

諭監利士民

道光壬午春監利潛江民有盜決堤水

既成並奏請度地疏河令三州縣受益業民集費
興工潛沔各成議而監民弗率縣舉紳士不應至
禱草以徹愈匿不出大府檄子往諭
於臘八日順大江而下舟中作此

通者言在國卷一
六
朝承大府檄募爲監利行大江東南流送此扁舟輕舟中
頗無事却顧南紀城訟徒待我釋積牘須我清迫此歲凜
凜增我心怵怵速去且勿道一身難兼營卽事費躊躇遠
邇同此情中夜不能寐如聞怨咨聲

讀書苦不多更事復太淺農田水利務未能洞原本半年
坐郡齋德薄才更短未信而勞民奚由致懇款敢矜吾舌
掉所恃寸心展斯民直道行何分潛與沔保赤在誠求不
申庶不違

省檄一何厲危詞惕因循調事倘不集重咎加其身一官

身外物得失安足論但念守茲土何以謝我民旣務民隱
達復期民氣醇徒憑吏打門焉能化如神莫疑大府嚴莫
怨縣官嗔大府勢濶絕縣官法必伸斟酌恩威間老守當
諄諄

樂利自在民於官本無與而必官爲謀民亦當有悟官民
本一體况屬巨室慕先疇食舊德名器非輕付如何昧前
車不爲導先路爾自保田廬爾自泯祝詛時哉弗可失念
念春雨注自非木石心焉能悍不顧

感人徒以言所持本區區未能剔鼠蠹焉得孚豚魚以此

排衆議不攜一吏胥喜仗丞尉賢爲我先聲敷

調李慶菴劉雲帆二

員十室有忠信矧茲古名都挺身任義舉方不慙紳裾導

之使盡言爾我無詐虞我詩代文告莫晒迂儒迂

自雞鳴埭至周老嘴一路舟行

一至再至櫻桃水大波小波到周嘴萬頃膏腴淪水裏背
秋徂冬尙渺瀰我來一糴四十里庚癸之聲未絕耳滔滔
江漢不能止宣防責無可旁諉彎彎堤形月痕擬萬八千
金費非侈吁嗟民力那堪此爲民請命豈得已上籲大府
馳奏紙下勗縣官劓痕瘡緩租之計將胡底灑沈澹灾有

條理如來淵畔倘足恃春鋪喧餘錢罇峙

時江陵監利土民有呈請暫開

如來淵大堤以消積水者屬陶明府速成其事

舟中獨酌

獨酌有何好今宵真灑然四圍霜月白一櫂水雲偏暫得俗塵淨方尋詩境綠明朝濯纓處醒眼更懷賢

監利有濯纓臺

立春日喜雪

昨日行春趁午晴今朝四望匝祥雲不妨老屋連間漏已卜新疇上尺生人說歲華堪紀麗我慙心迹可同清迎年餞臘尋常事最喜綏豐兆漸成

元旦朝 萬壽宮

星緯輝煌蔚紫穹
歲朝淑景轉和風
恰居江濱朝宗地
齋獻嵩呼景附衷
劍珮忝叨三事列
觚稜却憶十年中
遙知極北千祥集
願與荆南萬戶同

潛江道中

鎮日筓輿中衝泥寸步窮
濃雲低欲雪碎雨響兼風
不畏飢寒暫還憐僕御
同津頭定何處漁火隔林紅

觀音閣

古頭陀寺在漢陽門外

黃鵠磯邊認雪泥
無心偏識古招提
江山笑盡文浮客
畢

竟名區託簡栖

分明勝地楚都傳
超忽平皋浩汗川
何事北阿誇舊蹟
益城訂惑待他年

憶近人詩有以頭陀寺屬高郵之北阿鎮者

大雪渡江泊漢陽城外

早起雪愈大
空中雲共飛
暗添帆葉重
斜入浪花微
我欲渡江水
能無沾客衣
連旬苦泥濘
暫息漢陰機

晴

岸闊猶餘雪
江清別有光
人家落寒翠
夕照破昏黃
暗覺吟懷換
渾忘客路長
安排今夜醉
欹枕聽漁榔

退菴詩存

卷十

九

聞監利疏河已有成局喜而賦此

稽天積潦朱麻瀦爛泥一派連蘇湖蕪葭離披雲水俱前
百十載皆膏腴長堤橫截不可疏穿堤之策同穿窬以隣
爲壑隣其魚得不肝腦膏泥塗沈家舊河繞右隅當年溝
澮相貫輸前坵後別錯雜鋪南阡北隴無沮洳田旣沈兮
河亦淤水利一廢徒瞪盱僉曰舍舊新當圖乘時度地難
再需決排疏淪神禹謨小仿其意計莫踰此鄉之秀侏侏
徒忍復袖手忘剝膚患氣所伏非區區往者不咎來可虞
何況利源反掌如中有萬頃良菑畚居高大府方疾呼承

流令長口卒瘡我來行部馳單車苦心勸相消齟齬幡然
果叶豚魚孚告我且復畱斯須細民作事難慮初矧此村
里多亡逋我領其意熟籌紆繪畫不煩鄭介夫力所得舉
誰曰毋因勢利導非干譽新春之吉民氣蘇程工弗爲封
畛殊意中水到欣成渠眼底牖影金墉扶我未暇督畚鍤
趨逃聞囊鼓神先愉酌劑緩急同雞驅率作擲用威加鈇
歲暮之行良不孤小詩幸免覆醬瓿他時畢功宜大書焉
得大筆如椽麤

擢淮海河務道畱別荊州僚友

十月荆南乍釋肩回思職守轉瞿然隄防所係非租賦案牘無功媿俸錢幸有吏民安我拙不須際會休人先半生嘗憤鮎魚味驚說除書下

九天

豈有閒雲可作霖腐儒爲吏只初心四知敢信追前哲

漢揚

震會三策何由副重任拱手清流關盛事贈言溢美當良

刺荆

箴所屬七邑宰皆科

躡歌他日成相憶淮水爭如江水深

城陵磯望洞庭湖

卅載鴻泥憶舊蹤洞庭春水最溶溶憑將子夜風帆駛看

到君山曉黛濃

乙卯公車之役
曾夜渡洞庭

此日宦游驚潁洞當年詩

夢尚惺忪瀟湘南去多芳草隔斷風濤幾萬重

嘉魚赤壁

武鋒郎將氣如虹一片牙旗奏大功

燒兵之策實出黃蓋
見周瑜及蓋本傳

甯使虛名屬周督肯將天險讓曹公無端詩思嗤朝露蓋
世英雄恥下風畱得巉巖供口實舟人猶唱滿江紅

黃州赤壁

誰將赤壁屬黃州未讓沙陽作壯游風月祇今歸此地江
山終古託名流明知勝地須攜屐可耐中流不繫舟指點

城南臺榭好他年心事欲盟鷗

九江道中

一天梅雨過蘄黃楚尾吳頭客路長
欲按圖經徵九派暮雲開處是潯陽

篷牕乍透早曦紅料理檣竿便向東
覲面匡廬應笑我畫中行客太怱怱

琵琶亭下舞蛟龍溢口連天水氣昏
坐看滔滔舟入市繪圖焉得鄭監門

大陽山外夕陽微荻港蕭蕭接赭圻
自過馬當風景好紅

花翠篠逐秦磯

彭澤縣

陶令投簪地青山環麗譙秫田猶可種粟里本非遙自是雲心淡因之詩理超我來殷仰止焉得託漁樵

小孤山

銀濤萬頃湧螺光霧閣雲牕不可望怪底此間風日麗小姑端坐對彭郎

安慶畱贈陶雲汀中丞

江風吹我到江城客裏逢君懷抱傾坐久不知開府貴談

深猶似冷官清六朝重鎮沙蟲地萬頃橫流澤雁聲他日
相從窺政要

中丞出示
皖藩政要

皖公山色酒邊明

蠟磯孫夫人廟

憶過石首路豔說繡林鋪瞥指紅牆畔依然白浪麤雌雄
陳迹杳家國夕陽孤只有長江水滔滔總到吳

江東門

上下新河水似油江東門外柳絲柔輕煙淡粉銷沈後誰
向橋邊訪四樓

張石蘭方伯

志緒

招飲瞻園

明中山
王舊蹟

聞道金陵此地佳，大功坊畔做幽齋。規模舊許離宮仿，花石真疑艮嶽排。故國園亭今有幾，雄藩財力本無涯。朱門愁絕風煙暮，遜我忙中勝踐諧。

王漁洋有故中山西園詩，卽此地。注家以爲西城之

萬竹園，恐非。

過秦淮有感

錦纜牙橋半倚樓，珠簾冰簟水中漚。榻來長板橋頭望，不信湖名有莫愁。

遊宏濟寺

策策東風斷渡顛，偷閒覽勝亦前緣。六朝舊刹誰三宿，兩

戒名山此一拳棠邑雲開微有影
杪羅樹古不知年懸崖
撒手談何易邂逅龐翁懶話禪

寺中老僧自言九十歲

守風登燕子磯

艤舟秣陵岸振策燕子磯斜陽極天末大江隔熹微頗聞
此砥柱卓立天塹圍前賢恣吟眺往往濤濺衣今昔曾幾
何潮痕不可晞蓬萊易深淺沙洲多是非我來攬形勝高
振千仞衣欲和巖壁句恐惹雷同譏但祝船艣風吹轉檣
端旂拭眼來金焦快如馬脫鞵

大風過黃天蕩

人言黃天蕩無風三尺浪我來偏值東風狂斜挂蒲帆更
東向連朝正苦繭蠶縛一發聊等鞬鷹放銀濤萬頃如山
傾大編舸裁故相抗逆風順水亦倒飛逼我舟行之字樣
浪花遮盡金陵山隱隱蛟龍露情狀須臾瞥過數十里江
北江南失依傍長年指點且住佳喜有平沙一片曠莫笑
江潭賦命薄已共妻孥作豪宕論古如聞戰鼓喧紀遊增
我詩懷壯

安東行館

漣水城邊白日昏黃流滾滾壓東門魚龍勢向長空立鼉

鼉聲兼濁浪喧漸覺空談卑
賈讓可憐夾道望王尊徹宵
擁被聽風雨幾度褰衣問水痕

海州雜詩

荒遠難稽少皞遺胸陽猶認故城基
潮痕歲徙東西堰畫本晴開大小伊
孔望千秋同仰止秦巡片石幾推移
我來問俗兼懷古且向圖經子細披

橫流到處易成渠水利由來水患俱
萬派黃淮分莞瀆一川沂沭轉桑墟
龍窩雲壓蘆帆至蛤戶風腥板浦初
所恃長官謹隄堰休憑神母舍田閭

雲臺福地海西頭知是都州是郁州仙霧濛濛三磊合神
山隱隱九疑秋田橫島沒天連水徐福船歸月滿洲聞說
蓬萊幾清淺栽桑更欲過鷹游

休論艾不與鍾離幾見牛村右姓麋訂誤幸存崔逸字拾
遺誰別任恭碑海山松是洪荒種石室桃無下界枝但笑
蓉城仙客幻墓門不許屬黃兒

白氈紅襖等焦僥往代頻煩捧海澆黔首無知猶佩犢青
皮有號未除臬沙條卽斷孫恩泊草澤終防竇憲驕司戶

司倉多俊異一枝且莫託鷦鷯

唐獨孤及有寄東海李司倉鄭司戶詩

此邦治範盛前修託始吾宗最海陬

海州職官始於海西令梁習前無可考

鵠翅才雄資鎮撫鰲膠論出絕徵求已欣百堵恢精舍孰

向三場杜隱憂且喜飛蝗齊赴海他時真有景孫樓

余奉檄理

蝗而蝗已先期入海聞劉牧有善政因藉東坡詩語以勗之

自樓山至赤岸路中口占

蒼然那復辨郊垆海甸天低接杳冥正是詩懷無著處插
空一角羽山青

邂逅村農笑語微理蝗官過馬如飛請官但看秋原景
麥花高豆莢肥

馬陵山外古鄰村，細草難尋舊轍痕。咫尺故人隔天末，不

教聽雨共清尊。

時楊蓉峯同年守沂州，相隔百里而近。

斷港危橋積潦深，侵人秋氣更愁霖。敢嫌行李衝泥滑，且慰田家播麥心。

河上雜詩

道光癸未冬日

我初習外吏，一麾來水鄉。專城江漢間，長年事隄障。量移到東土，乃復專修防。河流本浩瀚，淮海彌湯湯。袁江如釜底，高堰如巖牆。既須黃濟運，又須淮敵黃。或資擎托勢，旋虞倒灌強。理河兼理漕，所繫非尋常。捍患復因利，何由兩

無妨況我以政學臨事增慙惶形勢且茫昧機宜焉能詳
披籍未貫通按圖亦傍徨終應避賢路庶免操刀傷姑就
所聞見紀此三宿桑

昔聞雲梯關河准入海途行部乍莅止所見嗟已殊及關
雖浩蕩出關猶康衢道周夾楊柳蕩畔環菰蘆濁流中一
綫委折百里餘更越青紅沙甫歸浩淼區今人喜耳食恒
言暢尾閘挑濬功焉施淤墊漫難圖勞費且無已放手徒
瞪盱豈知治平策不外河渠書束水以攻沙名臣有遠謨
同河乃入海理與神禹符後賢竟其緒湍激無沮洳迨茲

百十年浩浩長貫輸非堤不爲功坐唯賈讓疏策馬登雲
臺一笑蛙拘墟

海口利用束河身利用深積久多所畱詎能免旁侵沙壑
流自高岸隄隄遂沈增培縱無已厥陟將奚禁古人創成
法疏濬匪自今浚船亟往復鐵篋相差參譬之掣橐籥豈
復容滯滯江淮近十載順軌歡羣忱修防百政舉經費嚴
酌斟填塞力督促隄障增嶽崑置此獨不講持盈豈忘心
帆檣壓閭井水氣昏重陰過客嗟動容居者何以任隱憂
在矚曉斯理頗易尋良規戒偏廢諒非擲牝金逝者方不

與春言在卷一
舍歲月齊駸駸思危丁其時吾將勗朋簪

防河用碎石淨言多和附謂此前無仿厥病後將痼我昔
直樞禁頻讀河臣疏

聖心極虛佇時議終鮮據一官蝨其間目擊甫有悟河身
本隆起浩浩沙所注埽根刷始深石質重乃固剛柔互爲
制水土永相護斷無外游虞倒梗中滋路試看冬水落兩
岸軒豁露濺濺未停流粼粼總如故比來久瀾安藉以殺
河怒上節府庫糜下減菱薪數吏奸且無緣何況居奇妒
胡然士夫談乃爲牙儉助石蓄詳班書激堤備酈注考古

且有徵莫緣防口誤

瓠子歌曰隤林竹兮隤石蓄師古注石蓄者謂石立之然後以土就填

塞賈讓策曰爲石堤激使東師古注激者聚石於堤旁衝要之處所以激去其水魚見漢書溝洫志又水經注曰漢安帝永初七年令於石門東積石八所以捍衡波謂之八激堤皆可爲碎石坦坡之緣起

我所司葦蕩疏材遍海曲以佐舉捷需歲採有額束乃緣

物產豐難免弊竇伏議者如目睹惜者亦踵續謂倘盡量

收何煩度支督貨惡棄於地況飽奸徒慾往事頗有聞飲

河果滿腹歸賢敵程鄭至今眾側目我思利所釐操之忌

太感本無桑孔才敢學商李酷三營百千家長年資事畜

一朝奪所恃事變焉可卜料田不難充登場保無絀輸將

自有程遺滯可不逐但求平成方忍創聚斂局

修防歲無已先事籌蕩柴其名曰圍佑霜晨期必來初循
大河堤直到海北隈絜量上下茂分別遠近堆年來夏苦
旱往往枯朽摧歲額日以紉膏腴等汗萊往者歌刈楚扁
舟足游洄今我行披鼓輿馬揚塵埃泉源久湮廢斥鹵無
盪耕枝葉且莫遂那復滋根菱河湖近映帶斷港紛周回
直須講蓄瀉亟使溝渠開人事補天工乃得地力恢且莫
愛惜費坐致樵夫哈

河隄經費繁袁浦冠蓋萃往者風侈靡揮金每如芥潰決

歲頻聞蠹取轉無制安危復利蓄悖出尋亦敗比來風氣
上去奢復去秦人事延天休德水亦無害歲支有常經仕
宦非往概庶無撲滿虞且免漏卮匱鼓鐘必聲聞官謗吁
可畏恒舞而酣歌

宸聰徹中外

昔年有以此事人告者

我本淡泊人喜值清明會但恐

狂宴安漸復萌故態古心先自鞭先費要共汰幸勿揚其
波庶幾聞者戒